

LT JEN DATO' MOHD ASGHAR KHAN BIN GORIMAN KHAN TUDM DILANTIK PANGLIMA PENDIDIKAN DAN LATIHAN UDARA YANG BAHARU

airforce.mil.my/berita/acara-rasmi/4119-lt-jen-dato-mohd-asghar-khan-bin-goriman-khan-tudm-dilantik-panglima-pendidikan-dan-latihan-udara-yang-baharu

SENDAYAN, 13 Nov 18 – Lt Jen Dato' Mohd Asghar Khan bin Goriman Khan TUDM secara rasminya dilantik sebagai Panglima Pendidikan dan Latihan Udara baharu setelah mengambil alih tampuk pemerintahan daripada Lt Jen Dato' Kamalruzaman bin Mohd Othman TUDM yang kini memegang jawatan Ketua Staf Markas ATM.

Perbarisan serah terima tugas yang diadakan di Padang Kawad, Pangkalan Udara Sendayan pada pagi ini terdiri daripada 11 pegawai dan 145 anggota lain-lain pangkat diketuai oleh Mej Mohd Zuhairul Haswazie bin Habil TUDM serta diiringi oleh Pancaragam Pusat TUDM di bawah pimpinan Mej Mohd Salleh bin Wahab TUDM.





Upacara serah terima tugas yang penuh bersejarah ini telah disaksikan oleh Timbalan Panglima Tentera Udara, YBhg Lt Jen Dato' Sri Ackbal bin Hj Abdul Samad TUDM turut dihadiri seluruh warga TUDM di bawah naungan Markas Pemerintahan Pendidikan dan Latihan Udara.